

姚德勝 · 徐廷瑚 · 顏芸樞

周 邦 道

當代教育先進傳之二十

姚德勝 (1861-1915)

姚德勝，一名克明，號峻修，廣東平遠人。清咸豐十一年辛酉九月十八日生。父芝庭，母氏林。七歲入私塾，因窮困輟。體健，性豪放。聞鄉人經商南洋，多致富。十九歲，即隨「老水客」赴新嘉坡，初在芙蓉埠錫礦場傭工，旋至怡保某礦場。未幾，改業小販，營德和店，向錫礦投資。開得「錫米倉」，霹靂全邦為之轟動。爾後復兼辦酒稅與典當稅。統轄數十機構，使用數千員工，而指揮若定，有條不紊，其才識能力，非尋常所可企及者。

德勝既成鉅富，慷慨解囊，建立霹靂嘉應會館、中華總商會、礦務農商總局。為教育僑胞子女，創辦霹靂育才小學校、中學校，並扶助應新、明德兩校發展。又依怡保地方政府請，首築店舖三百間，倡建新式市場。於是遂為華僑領袖，英人與當地人士，咸尊敬之。繁榮後之怡保，姚德勝街、德和園及姚德勝巴利市場，猶可瞻望其當年建設之偉績焉。

年建設之偉績焉。

光緒二十一年乙未，德勝回國，為其父六十一

祝壽，萬人空巷，迎迓歸僑。自是舉辦家鄉各項公益與建設事業，往來平遠怡保間，不遑寧處。

二十六年庚子，歲大饑，捐鉅款賑濟，並設太平義倉，以程久遠。因受新嘉坡總領事梅縣黃遵憲公度之鼓勵，在故里大栢羊子甸，創設芝蘭小學，廣建校舍，購置田產，復備圖書，供衆閱覽，啓闢新學風氣。平遠縣立中學，原設城廂，德勝徇鄉人請，在大栢建築新宇，設備美贍。不幸於民國四年一月八日病逝，年五十四，鄉人哭之慟。校中以其生辰，定為校慶日。五年九月十八日第一次校慶，王謫君撰聯云：「作育著殊勳，十五鄉戴德日長，千載永留人紀念；酬庸無別物，數百里高材星聚，一堂同祝公生辰。」蓋紀實也。

德勝於梅縣東山中學、蕉嶺縣立中學及大栢鄉景清、四民兩小學，亦多傾助。地方有司，以其建設鄉邑，濟災興學，不吝萬金，呈報清廷，誥授資政大夫，賜建「樂善好施」石坊，門額「

資政第」。民國初年，大總統頒一等獎章。鄉人共諡曰「豪創弘毅」，循名覈實，迥非溢辭。

德勝失學，注意進修，晚年已能閱讀書報。

所設中小學，造就人才甚衆。芝蘭小學，曾導引姚海珊、姚萬瑜父子及姚雨平等，參加國民革命。二十六年八月，淞滬抗戰，首先陣亡之旅長黃梅興，固守寶山，全營殉難之營長姚子青等，皆平遠中學大栢新校出身學生也。教思縣邇，信無窮已！（本朱浩懷：華僑名人姚德勝傳。）

徐廷瑚 (1871-1974)

徐廷瑚，字海帆，河北蠡縣人。清光緒十三年丁亥十一月二十九日生。十五歲入邑庠，由育德中學考肄直隸省立高等農業學堂，喜好農業化學。畢業後，入東京青山農業大學。宣統三年回國，參加學部高等文官考試及格。民國元年冬，以直省官費，派赴法國留學，入巴黎大學理學院，專習化學。各科教授，如居禮夫人、沙勒梯、布萊茲及培阿爾等，多當代科學權威。其有機化

學與生物化學之成就，超越僑輩，法國語文造詣尤深。六年畢業，法國教育部授以國家碩士學位。

十多年，國立北京大學校長蔡元培聘授預科法文。十二年，任省立河北大學教授，兼農科學長及預科主任。主講有機化學及生物化學，介聘李書華、劉運籌、董時進、王祖渠等任教，選送學生周發岐等出國深造，興建農業化學實驗室，增加科學儀器，並經營易縣農場在千頃以上。十七年，張繼為河北大學校長時，以校務委員會委員長代理校長職務，多所貢獻。同年，北平研究院成立，李石曾任院長，遷任總務長。旋充農礦部農務司、農政司司長，兼上海農產物檢查所所長。後農礦部併實業部，繼任實業司司長，兼林業署長及漁牧司司長。自十七年至二十六年，襄贊歷任部長主持全國農政，如創辦中央農業實驗所，輔導各省整理農林機構，參預漁業法、森林法等草案之釐訂，標示農業建設方針，實奠定我國現代農業發展之基礎。二十六年，北平中法大學西遷昆明，任教授兼總務長，協助李書華等校長，艱苦撐持校務。

抗戰勝利，農林部派為華北區特派員，先後接收華北棉產改進處，河北蠶業農場、華北農業實驗場及華北林業試驗場等敵偽之農林機構，規復生產。三十六年，臺灣省政府主席魏道明，邀任臺灣肥料運銷委員會主任委員。三十八年，兼省立農學院教授，四十年退休，改任省府顧問，仍兼教職，每登山越嶺，關懷林政。嘗懷念巴斯德之科學偉績，纂成巴氏傳記，並籲請留學人士編

譯大科學家軼事，以激勵國人從事科學之研究；彌見其意重心長也。六十三年十二月三十日逝世，年八十有八。（本吳延環：徐廷瑚先生傳，冷彭：徐海帆先生七十大慶序。）

顏芸樞(1882-1942)

顏芸樞，字文初，福建晉江人。清光緒八年壬午四月初十日生。性好學，三十年，入邑庠，後畢業福州高等學堂。民國初元，泉州官立中學堂，改組為福建省立第十一中學校，任學監。翌年，航海赴非，入公理報社為編輯，寫小說及筆記甚多。四年，袁世凱帝制自為，即於公理報，揭露其竊國野心，評論其指使暗殺宋教仁之罪過。與袁之鷹犬，涉訟非之法庭，據理力辯，卒獲勝訴，輿論偉之。

時中西學校校長張筠采，聘為教務主任，課餘之暇，仍從事鉛槧。印行教育叢刊、教育月刊、及教育週報，皆以材料豐富，議論精闢，膾炙人口。尋筠采辭職，舉以自代。芸樞接長，益殫精壁畫，夙夜匪懈。復出其緒餘，為東方雜誌、小說月報撰稿，又為申報及時報，寫通訊。非島之華僑教育，因其報導，始為國內教育界所重視。九年，參加旅菲華僑回國教育考察團，歷華北、華中各大都市，歸述甚詳足資借鏡。中西學校三十周年，自編紀念刊，遍徵國內外同人撰稿，尤極雋雅雅贍之致也。

抗戰軍興，非島有抗敵會之組織，倡募寒衣捐，各僑校踴躍進行；中西學校童子軍，募捐達國幣十五萬元以上，成績斐然舉首。迨珍珠港被

炸，太平洋戰爭爆發，馬尼拉不戰而陷。三十一年二月，芸樞便與抗敵會小組委員，先後被逮；初拘繫菲律賓大學，後移禁於未里密大監獄。時年已周甲，幽囚狴犴，神志湛然。日本憲兵部，將其歷年所作抗日文字，彙為一冊，與七七演講稿及朝鮮亡國鑑劇本，舉以翰訊。芸樞不屈不撓，慷慨坦承。四月十五日，遽與于以同，及抗敵小組委員七人，同時壯烈成仁於華僑義山。

勝利以還，中西學校復課，即開追悼會。校內為設紀念堂，並規定四月十五日，芸樞殉國之日為學校紀念日。三十四年七月，國民政府明令褒揚。三十六年四月，旅菲華僑抗日殉難烈士紀念堂成，以芸樞之忠骨附焉。原配郭，繼配蔡、劉，子四：受華、壽泉、祖雄、媽蔭。女三：筠玉、藍玉、堂玉。芸樞殉國時，家遭藉沒，妻孥流離轉徙，虎口餘生，存亡一髮。泊日月重光，諸子繼志述事，家道日昌。所謂名德之後，必有達人，諒哉！綜其生平，為報人，為著作家，為教育家，險夷一節，終始不渝。每值非島亡人節，命車入義山，展拜遺容者，多低回歎歎不忍去云。

（本蔡斗垣：顏故校長文初烈士傳。）

訂閱中外雜誌及購買合訂本請將書款交存附近郵局劃撥一四〇四四號戶，或寄郵票交台北市新生南路三段七號之二或撥電話七〇七二四八〇，即可收到書刊。